

PILOTA

Arribillaga eta Langarika finalistak

Peluagak eta Valerak erraz irabazi zieten Egibar eta Agirreri bigarren mailan


Fede Arribillaga eta Jabi Langarika lehen mailako pala txapelketako finalean izango dira, atzo Bilboko Deportivo frontoian Isusi II.ari eta Oterori 45-34 irabazi ondoren. Bigarren mailako finalerdiari dagokionez Peluaga eta Valerak ez zuten inolako arazorik izan Egibar eta Agirreren aurka jokatu zuten partidua irabazteko.

RAMON BASALDUA / BILBO

Hasieran uste baino arazo gutxiago izan zuten atzo Fede Arribillaga eta Jabi Langarikak, Juan Luis Isusi eta Juan Carlos Oteroren aurka jokatu zuten lehen mailako pala txapelketako finalerdia irabazteko. Bi bikoteek ligatxoan jokaturako partiduan Arribillaga eta Langarika tanto batez nagusitu ziren. Gauzak horrela, atzo arratsalde Bilboko Deportivo frontoian bildu ziren zaletuek lehia gogorra ikusteko itxaropena zuten.

Arribillaga eta Langarikak osatu zuten bikote gorriaren alde atera zen dirua eta egia esateko ez zen inolako ezusterik izan. Aurrelari nafarra eta Erandiko atzelaria aurretik izan ziren markagailuan norgehiagoka guztian banako berdinketan izan ezik.

Gorriak 15-10 irabazten ari zirela palak alde egin zion Juan Carlos Oterori eskutik eta Jabi Langarikaren burua jo zuen. Erandiko atzelariak hamar minutu behar izan zituen kantxara



Fede Arribillagak beste final bat jokatu du.

XOUSE SIMAL

itzultzeko eta belarri inguruan kolpe gogorra jaso arren partidua amaitu zuen ederto jokatu zutena.

ISUSI ONDO ETA TXARTO Urdinak 17-16 jarri ziren markagailuan baina partidua berdintzekotan zeudela zirudienean Arribillaga eta Langarikak bederatzi tanto egin zituzten bata bestearen atzetik. Hortik aurrera gorriek aldeari eustera jo zuten. Hala ere, partidua erabakita zegoenean Isusi eta Oterok hobeto jokatu eta

markagailuan 40-35 jartzea lortu zuten. Azkenean ordea, ez zen ezusterik izan eta Arribillaga eta Langarika izango dira lehen mailako pala txapelketako finalean.

Juan Luis Isusirenak izan ziren atzo Deportivo ikusitako pilotakada ederrenak. Hala ere, Orozkoko aurrelariak inork baino pilota gehiago galdu zituen eta hortik joan zen partidua. Juan Carlos Otero, iazko txapeldunak, ez zuen partidua txarra jokatu baina finaletik kanpo geratu da. Fede Arribillaga izan zen atzoko

partiduko pilotaririk onena. Nafarrak sekulako ofizioa du eta ez du airez ia pilotarik galtzen. Jabi Langarikak meritu handiko partidua egin zuen, buruan sekulako zartada jaso arren, norgehiagoka amaitzeaz gain ederto jokatu zuen eta.

Bigarren mailako pala txapelketako finalerdiak eman zion hasiera atzoko pala jaialdiari. Peluaga eta Valerak 40-20 emaitzaz irabazi zieten Egibar eta Astolari. Valera atzelaria, iazko txapelduna, izan zen finalerdiko pilotaririk onena.

Binakako txapelketako bi partidu jokoan gaur

A.U. / DONOSTIA

Lehen mailako eskuz binakako txapelketako seigarren jardunaldia hiru egunetan jokatu da. Gaur arratsaldean jokatu dira lehen bi partidua. Eltziegoren Alustizak eta Bernak, Eugi eta Elkororen aurka jokatu dute eta Eibarren Salaberriak eta Belokik Urionaguena eta Errastiren kontra.

Eltziegoko partidua garrantzi handia dauka bi bikoteentzat. Biak bina garaipen lortu dituzte eta gaur galtzen duenak finalerdietan sartzeko aukera galduko du. Partidu horretan berriro ere Berna errioxarrak jokatu du Alustizarekin batera. Berna da bikote honetako atzelari titularra baina partidu bakarra besterik ez du jokatu txapelketan. Hain zuzen, gaurko bikote berberaren aurka bigarren jardunaldian, —orduan Elkororen ordez Tolosak jokatu zuen—. Santik ez du lan txarra egin lehen mailako

txapelketan baina Asegarceko arduradunek gaur Bernak jokatzearabaki dute, nahiz eta hiru aste egon partidurik jokatu gabe. «Arriskatu egingo gara» esan zuen Salba Bergarak.

Asteartean egindako pilota aukeraketan argi geratu zen bi bikoteek gaur erabiliko duten taktika, atzera jokatzearabaki atzelerariaren akatsa bilatuz. Eltziegoko pilotalekuan pilota asko ateratzen da eta hori aprobetxatuz pilota biziak aukeratu zituzten bi bikoteek joko atzelariengan kargatzeko.

Lehen mailako bigarren partidua Eibarren jokatu da. Salaberriak eta Belokik Urionaguena eta Errastiren aurka jokatu dute. Igandean San Mamesen jokatu den derbiagatik aldatu dute partidu hau igandetik ostiralera. Salaberria eta Beloki dira partidua honetan gehien jokatzen dutenak, Urionaguena eta Errastik ia ez baitaukate aukerarik finalerdietan sartzeko. Asegarce-

ko bikoteak, berriz, galdu egin ditu azken bi partidua txapelketaren hasiera ezin hobea egin ondoren. Gaurko puntua oso garrantzitsua da beraientzat, hurrengo bi partidua zailagoak izango direlako: Eugi-Elkoro eta Unanue-Zezeagaren aurka jokatu behar dute.

Bi bikote hauek atzo apartatu zituzten gaurko partidurako pilotak. Aukeraketa asteazkenean egitekoa zen baina Ernesto Vidarteren heriotzak atzeratu egin zuen. Salaberriak eta Belokik 105,5, 105,8 eta 105,9 gramoko pilotak aukeratu zituzten. Urionaguena eta Errastik 105,8, 106 eta 106,8 gramokoak.

Bigarren mailako partidu bat ere jokatu da gaur arratsaldean. Lizarran Goñik eta Balerdik, Gorostiza eta Santiren aurka jokatu dute. Goñi eta Balerdi sailkapeneko hirugarren postuan daude hiru garaipenekin. Gorostiza eta Santi seigarren dira bi garaipen lortu ondoren.

JAIALDIK

Gaurko partidua:

ASTELENA. 16.30. Ansotegi - Bazeta / Lejadi - Azkarate. Lehen mailako partidua: Salaberria - Beloki / Urionaguena - Errasti. Soroa III - Andueza V / Telletxea - Galardi.

ELTZIEGO. 16.30. Irazola - Maiz II / Lujanbio - Iturza. Lehen mailako txapelketa: Alustiza - Santi / Eugi - Elkoro.

LIZARRA. 17.00. Satrustegi - Taberna / Iribarren - Urrutia. Bigarren mailako txapelketa: Gorostiza - Santi / Goñi - Balerdi.

DEPORTIVO. 16.30. Egibar - Astola / Gaztañaga - Agirre. Arribillaga - Juan Pablo / Urkia - Iriondo - Otero. Isusi II - Maruri / Daniel - Gorostiza. Peluaga - Alzibar / Lekue - Thierry.

GALARRETA. 16.00. J. Lekunberri - Amondarain / Urrutia - Soto. Elizalde - Iriarte / Kalonje - Aizpuru. Noain - Saldias / Urretabizkaia I - Auzmendi.

EUSKAL. 16.00. Zubeldia II - Mendizabal / Egialde - Adin. Altuna - Eizaguirre / Ezkurra - Zubeldia. M. Lekunberri - P. Lekunberri / Aseginolaza I - Etxabe.

Mujikak eta Itoizek lortu dute A multzorako txartela

H.G. / BAIONA

Mujikak eta Itoizek lortu zuten atzo arratsaldean Berezkoen txapelketan segitzeko aukera, Etxegoin eta Dermitten aurka 50-48 irabazita. Partida hertsia izan zen biziki eta ordubete t'erdia pasa iraun zuen Baionako St Andreko ikusleen gozamenerako. Mujikak eta Itoizek, heldu den urtarrilaren 22an hastekoa den A multzoko trinketeko esku-huska bikote hobereenen Berezkoen txapelketan parte hartuko dute.

Ez dute lan erraza izanen, B poule-an lehia handia izanen baitute. Francis Karrikart eta Philippe Karrikart bikoteaz gain, Intxauspe eta Jean-Philippe Bideondo izanen dituzte norgehiagokan sailkapeneko lehen bi lekuak lortzeko asmoarekin.

Finalerdiak martxoaren 12an Hazpainen eta martxoaren 19an Azkainen jokatu dira. Finala berriz, apirilaren 2an, Donibane-Garaziko Garat trinketean.

Urteberri Torneoko finala jokatu da gaur Tolosan

A.U. / DONOSTIA

Gaur eguerdian, Tolosako Beotibar pilotalekuan Urteberri Torneoko finala jokatu da. Artola eta Galarza amezketarrek Dani eta Goñiren aurka jokatu dute pilotari beteranoak eta gazteak tartekatuta dituen torneo honetako finalean. Artola eta Galarzarentzat partidu gogorra izango da, atzo gauan Elgoibarko San Anton Torneoan jokatu baitzuten.

Besagain elkarteak antolatuta du Tolosan jokatu den torneo hau. Enrike Bidarte, Clemente Arroyo 'Panaderito de Oion' pilotaria, Panpi Ladutxe eta Benjamin Lazkanok bultzatu dute elkarte ekimen hau. Hauek Besagain elkarte pilotalekuan enpresa deitu ordez, nahiago izan dute gestio enpresa deitu.

Egun eskuzko pilotan dagoen hutsunea bete nahi du elkarte honek. Open mailako partidua eskainiko dituzte, hau da, afizionatu mailako pilotariak profesionalak izandako batzuekin tartekatuz. Tolosan antolatuta duten torneoan izan da Besagain elkartearen lehen ekintza. Era berean, azkenaldian oso gutxi erabiltzen den Beotibar pilotalekua bultzatu nahi dute, baina ez dute baztertzeko partidua beste pilotalekua batzuetan jokatzeko.